

晚

晴

移

詩

匯

晚晴移詩匯卷一百三十九目錄

沈兆霖 二首

何紹基 二十八首

孔繼鑠 二首

林鴻年 二首

李本仁 一首

孔慶鋤 四首

承齡 六首

馮志沂 六首

夏子齡 七首

史樸 一首

徐榮 六首

周源緒 二首

周沐潤 五首

俞汝本 四首

劉映丹 一首

陸以湑 一首

謝榮埭 一首

江忠源 八首

葉名澧 六首

鄭珍 三十一首

周玉瓚 一首

張葆謙 一首

陳良玉

七首

高錫蕃

二首

戴福謙

一首

汪元慎

四首

熊紹庚

一首

葉坤厚

四首

張經贊

二首

陳勸

三首

陳長孺

五首

晚晴移詩匯卷一百三十九

徐世昌

沈兆霖字尺生號朗亭錢塘人道光丙申進士改庶吉士授編修官至戶部尙書署陝甘總督諡文忠有沈

文忠公集

詩話文忠入樞密僅十五日卽出按事關中旋命權陝督時同亂方熾文忠督師剿撫師還次平番暴雷雨山洪驟漲人輿並沒朝論深惜之危身奉上克受大名高心夔碧捐有詩曰屨岸雲昏隴水頭天誅幾歲定涼州傷心元老臨邊日雷雨呼詢百道溝追懷文忠作也

出新鄭得小谿極幽秀

斷岸陡成壁其下橫清溪溪光渺無盡曲曲穿平畦含露葦荇潤出波荷芰齊積陰互不散涼意迎征蹕

潼關

禁谷天開望若懸憑高設險拱秦川崢嶸太華排雲出曲  
折渾河抱堞圓此地縱橫經百戰前朝控制抵三邊尙書  
廢壘知何處落日殘鴉一惘然

何紹基字子貞號東洲一號媛叟道州人道光丙申進

士改庶吉士授編修有東洲草堂詩鈔

林惠常曰師嘗論詩以厚人倫理性情扶風化爲主  
其爲詩天才俊逸奇趣橫生一歸於溫柔敦厚之旨  
長篇歌行鞭撻雷霆震蕩乾坤騰

騷變化得詩家舉重若輕之妙  
詩話子貞詩根柢深厚盤鬱而有奇氣多可傳之作  
自序云性既平拙復守庭訓一切豪誕語牢騷語綺  
豔語疵貶語皆所不喜其嚴於自律如此歿後僅五  
十年書法益爲世所重得其片楮珍若珠璣獨其詩  
尙未有極力揚推之  
者蓋爲書名所掩也

解嘲

滄海茫茫粒米身摩夷何處問前因夢從醒後方知幻花

到開時不算春看破浮雲憐世味生來瘦骨見天真漫隨  
搖曳東風裏一任垂楊冷笑人

臘月十九日季壽丈招同人拜坡公生日有詩命次  
韻

天爲百世生我公奎光夜落元雲從冰霜正值歲寒節使  
之遇嗇名則豐我公才筆敵牛弩蘇門餘子那堪數揮霍  
萬象動有神扶持正氣作之主大言獨唱誰能和要使窮  
黎醒飢餓胸懷落落含太和文字棱棱生坎壈吁公本  
西蜀人宦轍周歷東南濱浩然之氣塞宇宙甯勞祠祀羞  
寒蘋原韻有句云孤山祠宇新結構蓋小峴先生所建也平生足迹不到處窮髮之  
山向北去尺書贊普儻能招萬里盧龍尙如故買田陽羨  
囊無錢藤牀瓦枕茶甌連一日歌嘯足不朽漫將磨竭悲

前緣蜜酒松醪製都廢髯兮不飲樂人醉空庭飛雪戰鱗

甲莫訝槐龍舞交翠

是日大雪

平生尙友惟三公淵明老去韓蘇從清風迢遞一千載義  
熙長慶迄元豐駒隙堂堂箭離弩誰歟論世從頭數莫爲  
之後前弗傳我公歸作儒林主柴桑乞食詩曾和餘米可  
炊差療餓晚年記題柏石圖頗訝退之愁軼軻退之去後  
無替人公也相尋南海濱廟食書碑豈阿好爆牲雞卜同  
蘋蘋最憶斜川舊游處未獲竟舁籃輿去移居飲酒歸田  
園吟邊彷彿知其故叩囊不乏沽酒錢青山那怕浮雲連  
歸去來詞盤谷序晉唐文字非無緣公若有靈事未廢招  
邀共向雪堂醉我當徧酌三人豪清醪滿注花瓷翠  
憶昔赤壁壽長公有客掀笛揚舫從時公年正四十七江

山枕饋亦已豐丈人耐官如習弩年已如公堪指數先生今年

四十退思廳壁禮遺像公與先生互賓主手抱遺編苦追

和硯水流涎筆頭餓集用坡韻心公心乃文公文何事長吟

悲軾軻原韻有文字難追得軾軻之句少時作吏如仙人扁舟幾載西湖

濱春風酒杯浸楊柳秋江詩句搖菰蘋此是坡翁吟賞處

行行竟別蘇隄去眉隅山色猶照人湖上梅花儻如故原注

云蘇祠種梅百本閒來一夢值萬錢況拌歲月長留連會須投幘

仰天笑與公老訂松菊緣卽今有祀未嘗廢賤子無才敢

辭醉醉呵凍墨含雨腥飛煙一翦孤山翠

### 得黃大書卻寄

平居意兀兀閉戶忘飢困故人千里書惻惻念餐飯祇因  
行路難兼之別離遠強學兒女詞慰我豪士恨自念秋涉



冬未免逐塵空僅留半卷書晨昏相繼繕古人心上血積  
紙厚一寸鬱爲九光霞吸之起疲頓吾乃今之愚學古是  
其願神追窮奧突目眯苦沈悶雖知力已竭魂窘不敢遁  
光怪時自發燭花作星噴

偶與仲弟研芸爲周子堅作小印數方蒙以小詞招  
飲研芸旣和其詞余亦先以詩謝

纍纍拳石醇而癡寸鐵蹴起旋風馳擊底礪硲動真宰怒  
雲夜挾精靈垂肇自籀文迄小篆摹印古法多紛歧我家  
兄弟夙好此操刀未敢同兒嬉祇慙才腐力尤蹇自哂目  
效神難追君畜佳珉等球璧謬令雕琢爲華滋漫詡秦文  
軼螭圖當酬魯酒饒罌甄遷延赧縮不及謝區區寸語陳  
其私從來文物以人重況乃姓字森厓屢歐公筆格范公

芴觀者寶溢千尊彝願君祓躬峻厥德庶幾蔚鬱隆聲施  
此印千年永示後動搖雲日光陸離宏才博古襲元雅一  
一鉤鈇窮根涯創自何人出何手道光元祀春之基咄哉  
法物不可玩疑有神鬼來摩持斯時爾我介仙籍定當拍  
手歡脫頤不然南山白石爛刺眼笑拾訶牛兒非樸非郁  
黯無色大恨不換棗與梨縱有緹檻寶康瓠煙塵霧露誰  
占晞噫晞賤子念及此春風古淚如延縻勛哉百年勵榮  
節決除滓垢相磨治若使鴻名鎮寥落嗟予小技徒爾爲  
十一月初八日舟中夜坐飢甚

詩人之腹飢生芒作氣恣躍爲文章天公吝我以稻粱要  
以萬象塞我腸仲冬始寒天雨霜一鐙伴客慘不光雷鳴  
腹底自礪礪忽爾坐念心憂傷我從髫歲離故鄉山中田

事漸已忘我翁一官繫朝廊年年紅粟分太倉東洲迴首  
雲荒荒負郭曾無半畝糧計惟狂歌與慨慷咀嚼道妙捐  
秕糠百年飢渴免思量是爲東山陸氏莊何須早計歸耕  
桑畫餅成詩強自慰江神大笑吾非狂

宜陽舟中大雪用坡公江上值雪韻

江波不響泥潛龜睛回雪起鷗不知飄飄已驚客子聽淅  
瀝訝有清飈吹推窗劇望杳無際青山不辨眉與髭奔騰  
元氣裹萬象鉤攫夜霧疑春漸循卑不逐碕岸轉陵險未  
覺重岡危彌江羈林走浩浩噓簾拂幔來絲絲奇哉洪纖  
盡涵絡我思造物誠何爲惟天生物愛如子陰陽煦嫗勞  
攜持年豐歲晏百事罷恐有滯燠煩膚肌巧出奇葩破岑  
寂更敷瓊乳膏其兒卻嗤蒲柳避寒節不偕梅竹娛良時

祇余孤艇浪迎枕仰觸斷篷霜壓幃強呵凍指嚼殘筆忽  
覩麗景慙幽姿安得枯腸脫寒瘦競吟瑞語紛淋漓刻畫  
元功奪神柄鋪揚嘉頌陳天墀不然柴關裹足寐卻顧梅  
萼連山披僻行喜見宿麥吐步獵更試重環馳柰何兩者  
俱不就戀此清夜雙殘厄獨欣聯牀有叔子片驥千里行  
相隨今宵苦冷未可卧夢中歸路茫何之

柬魏默深

蕙抱蘭懷祇自憐美人遙在碧雲邊東風不救紅顏老恐  
誤青春又一年

同子毅弟早起至岱頂

曉色檐無邊游憑足力先石根深不土山色古於天日上  
高霞直氛情大地圓俛看登陟處人事起炊煙

題吳子苾襄陽唐誌拓本

憶昔戊子冬十月舟行瑟縮抵樊口芒屨徒步叩郡閣騎  
馬攜朋陟峴首諸葛羊杜莽銷歇萬古斜陽照杯酒歸途  
卻過鹿門院空堂斷坡垂古柳眼明忽見唐兩碣儼若彝  
欽森左右西城梁君夏侯氏詞翰流傳均不朽細捫塵壁  
仞題字知是吳君手蒐取波濤奔鬻失堆隴文字突出燦  
星斗使君鄭芝泉太守爲我屢吁喈襄州近事君諗否江隄壞  
自十年來神沙恆見白日走高樓大屋化浮槎古冢漂流  
更何有安得人人似吳君功同掩骼意長久咄嗟拓贈呼  
甄椎闕匿收藏儷瓊玖五秋歷錄長相憶一笑長安乍攜  
手金石恢我眼中福風論妙參霞外友今日何日煙雨冷  
入門告君以重九菊花瑣屑君不嫌破帽敝斜吾豈偶古

光空復絢蘇齋春艇回思探越紐

譚次及此

卻還視我囊上拓

記憶夙昔神斗擲雲空雨歇詩夢寒歎息當年賢太守

芝泉

在郡甚有名今已作古人矣

### 林少穆丈出石庵相國書廬山記卷子書後

憶昨泊潯陽躡屩登廬山中途乃卻走風雨相追奔

前月游廬

山至東林寺遇雨而返

飄飄清夜夢長繞香鑪煙扁舟捷于鷺拍浪

棲吳門觥觥林丈人持節撫此民威惠既摩刺文章括流

源銀燭爲我張酒杯能使溫圖史出奇置手眼羅球珍就

中書律精批引勞繩斤爲言當代筆惟有東武尊欣然出

緹襲相與參骨筋橫幘若雲舒細字宛珠連眞韻澹逾卽

古光深可捫淵哉書意遠氣如敷淺原頡頏五岳形吐納

九派川知其心手際涵抱氣化元適然寫此記意象宛肖

焉心神我已移而目喜遇真平生嗜入法頗亦厭拘牽安  
得萬里景歸此一挽懸行觀海門潮更袖岱岳雲登峯欲  
造顛滂水當求津請看汶領游諄諄果其緣山陰有法乳  
何日許重論

中丞吳荷屋丈人出示宋槧蘇詩施顧注本喜賦長句

坡詩洋洋海波注疏川導澮得施顧施書舛削顧名湮宋  
邵何心錯同鑄吳興山水接吳郡多少峨仙舊游處兩公  
鉛槧互冥搜蓋代英靈儻來護析薪負荷倉曹賢補綴低  
行得依據松煙棗版劇珍重傳十八官歐楷著爲期鑿楹  
壽先業豈止酬縑恤貧故風雨荒庵老學尊文章法乳眉  
山付論交新舊快提獎序酬武子詩贈傳如何景定鄭吳

門遽抱遺編歎漫恆六十年纔電去疾七萬字同星列附  
印本驚逢鄭補前初脫自木神采具翊翊錫山桂坡老實  
始收藏等瓊瑤迭經毛宋幾淪蕪直待蘇齋發扇鋼歸依  
今得南海公古槩英英歷書庫當時蘇齋拜生日年年踞  
雪我公與雙屐一笠神來思兩施一顧祀應祔七百載閱  
滄桑多廿一卷猶星鳳翥今晨秋館疏雨歇爲展檀函古  
香赴我公嗜古重表微何不重將貞木鋸一爲雪堂張羽  
翼甯止西陂糾繆誤我雖蹇劣如策駑儻許校讎勤埽蠹  
坡詞補注意零落莫由合併同豁露爭傳鐵綽大江東誰  
解忽雷長短句

揚州魏默深留飲絜園

箸述翊翊吾老默今日絜園眞請客杯盤好在不經意正



似征人有行色霜餘果味方滿園屬書果味滿園四大字讀書養親  
天所恩今古微言恣探討又聞精猛課宗門

題程木庵所藏彝器拓本

羊戈辛爵號周鍾讓老圖形注考工家學未荒蟬藻碧古  
光先證雁鎗紅珊瑚錯落交柯樹竹屋輝煌貫月虹卻笑  
木庵心似木閒中雕盡古來蟲余昔年爲六舟作雁足鎗攷及詩卽木翁物也

寶相山贈心印上人

上人家在衡山陬好奇早作黔山游錫飛杯渡不知遠荒  
山宴坐忘春秋中年鄉思不可輕七十二峯時入夢於今  
了了復元元如葉脫枝蒲離寶山中寶相比月圓樓閣虛  
明秋照天我心懷歸不能語卻覓來途下山去

羅蘇谿前輩贈石谿上人畫幅

苦瓜之前雪个後吾鄉畫禪來石谿直從幽巽入堅渾與  
兩佛子殊叮哇雲游日被洞壑裏筆落能使狂颺嘯此幅  
著意更深遠煙雨一黑天爲黧荒荒水光樹不辨黯黯苔  
氣雲含悽入佛入魔信有此湘君山鬼羣來棲惜抱翁題  
句有云入  
佛入魔無不可蒙君持贈副所願既到畫處心沈迷挂壁兩日側  
卧視傍惶悚仄不能攜

九月二十日潘德輿招飲海山仙館卽事有作

主客攜尊共一癡明窗讀畫且談碑鏤成書苑千家石籠  
得才人幾輩詩能使古賢依我活感懷時事更誰推肯教  
白日堂堂過跌宕還思幼好奇文海樓下壁間故所摹古  
帖碧紗籠處留過客詩海  
山仙館叢書采錄精奧增修貢院號舍及  
修學使署皆獨肩其勞於夷務出力尤多  
看山欲徧嶺南頭送盡人閒爛漫秋花氣化雲成寶界海

光如鏡照飛樓千林暮色生涼思一髮中原感客游風浪

無聲天浩蕩可能容易著閒鷗

余勸德興出山以事羈身未決

桂子香餘菊正開朋簪回首廿年杯木奴坐看千頭熟查  
客誰期萬里來雲水空明入圖畫海天清宴好樓臺面紋  
未覺觀河皺一笑何曾歲月催

修梧密竹帶殘荷燕子簾櫳翡翠窠妙有江南煙水意卻

添灣上荔支多蕭齋舊製多藏畫吳舫新裁稱蹋莎萬綠

茫茫最深處引人幽思到巖阿

園景淡雅略似隨園那園不徒以華妙勝小艇亦仿

吳門蒲  
鞦頭樣

眉州試院喜雨大醉次日卽別去

桑下佛緣戀難去況我眉州十日住高風景跋三蘇祠古  
蔭婆娑雙柏樹竹陰追暑嘉宴開倒冠落佩方喪回主人

敬客還拘禮客多酒勇紛喧  
厖雷聲下天來卷屋電光倒  
吸杯中淥池底龜魚迅欲飛  
鐙前雨腳森成束烏乎坡老  
神乎神不解自飲喜飲人賞  
余疥壁好詩句快雨爲洗筵  
閒塵坡詩道雨妙如雨我能  
浴誦清肺腑杯停雨歇天宇  
空墜句零篇尙堪咀  
余醉後高詠坡詩不能成篇  
頽然一卧涼侵肌夢裏猶呼  
事大奇天晴日出成揮手卻  
和淵明止酒詩

林穎叔招同宗滌樓朱伯韓葉潤臣孔繡山王少鶴

劉炯甫拜黃文節公生日以日問月學旅人念鄉

分韻得旅字

六月十二日

坡翁與涪翁生日別寒暑涪詩令人滄坡詩令人煦從來  
造化窮正賴文章補今年炎熱甚不復分子午遺容獲瞻  
拜正氣滿庭宇復展冰雪文增我神骨古跡惟我涪翁孝

友植根矩大節是不俗名論砭懦腐憂患真飽經志事彌  
堅樹縱橫翰墨場歸作西江主最愛說茗香還工賦筍苦  
草書到神速小詞饒媚嫵餘事爛珠璧詩心獨機杼居然  
黃並蘇遠匹李與杜坡公近太白公平肖臣甫自從我公  
去誰復堪指儂六義竟寥闕千年空仰俛林子閩中傑傑  
直天尺五榕壇學緒綿左海文欄輔何處得公像陶廬舊  
摹取陶廬詩宗陶嚮往存圖譜王孟韋柳餘宋士不得伍  
陶廬有詩龕嚮往圖淵明正坐王孟韋柳左右侍詩龕主人在下侍乃於雙井翁別奉瓣香  
炷雖云有章列未免分門戶我昔使蜀州遺跡前賢聚兩  
處流杯池和詩照戎敘敘州萬縣流杯池皆有山於緣蓋谷詩記余亦和詩刻石  
不薄攀仰公宜許清風颯然至炎氣渺何所介雅來八人  
分韻拈兩語公平信有靈吾其老羈旅

雨舫中丞賜和拙詩兼和坡公海市篇見柬奉答兩

篇

詩人之識靡不空泰山化入秋毫中詩人之才無不有一  
彈指現瓊瑤宮怪公刻畫到霜葉要將染續分天工五蓮  
雙勞本一氣直赴東海如奔龍正好奇游構妙理全收昔  
遁傲髯翁如何舍去不一顧徑與悔若論雌雄我思樓閣  
城市世上景滄溟所乏非爲窮假借人間作奇幻無乃滯  
相難銷融況聞羸痺接浩淼懸烏菟色萬靈鍾本自初天  
混空有肯與浮世爭嗇豐道人語我生滅性塵鏡慚露新  
磨銅還將蠡見重叩請大言靜聽泐泐風

吾生往事過眼空三四十十年眞夢中回思冠歲侍蜺節學  
造險語投鮫宮

道光癸未隨侍先公登蓬萊閣有觀海詩

於今望洋已卻走自

甘老嬾難求工先生卓然道戰勝詩力如虎書如龍豈惟  
驚走釣鰲客正宜游戲狎鷗翁噫余輦下久留滯紛紛壇  
坵連羣雄江河畎膾各異量工拙何問通與窮名篇疊在  
珠玉贈性光果與文章融癡孫索看強解事扶牀作賦憐  
阿鍾大孫鍾曾作賦頗有奇氣尋梅漸作歲寒計盼雪又祝來牟豐謬  
期陶鑄到多士自媿鈍劣如頑銅衮衣歸來定何日輶軒  
采徧三齊風

潘星齋少宰屬題漸江和上畫卷因其近有桃花句  
余甚喜之輒題小句

巉巉玉骨畫禪餘彷彿枯藤勁鐵書誰似小鷗波裏景桃  
花紅煞釣人居

恕堂老兄招集曠寄園爲消寒第二集佳奇紛進冬

葵後出乃圍畦新摘者雋味無比竟爲薄醉詩以  
美之

菊花不比昔年好更歎人家酒杯少一秋吟事頗岑寂未  
免獨酌懷懷抱消寒初集集吾舍一爲諸公滌煩惱曠園  
主人續有約又見雪泥印鴻爪冬葵一味有何奇難得滋  
含風露飽頓令八簋失芳腴再進百觥盡傾倒

十二月廿五日立春太湖留別詠芝君久抱病蓋誤  
服溫劑余小住三日不令服藥眠食談飲乃俱健  
勝

營門太開不須款主人遲客欲忘盟十餘年別果精進剗  
盡才華歸樸坦羣才延訪日匆匆宦味澹餘能侃侃兼資  
文武根道力舉世同聲歎微管雪夜聯牀語微至病驅卻



藥意怡衍君言時弊苦末疾醫者宜求和與緩將才日出  
循吏希軍務方長民事短務敦悃悃瘡痍未宜馳驟矜  
威斷殺賊容易固圉難此意有誰窺奧竅我言君疾正同  
此貴以優游平剽悍一身肩任軍國重萬士歸依肝膽滿  
精神惟仗自存固箴石豈容偏峻煥且遲歸計向湘水暫  
可新春同酒盃忍將別淚彈向君媿我江湖恣閒散

孔繼鑠字脊函大興籍曲阜人道光丙申進士官刑部

主事殉難有心嚮往齋詩

詩話有函能文章好爲古歌詩師事山陽潘德輿以  
氣節相尙性喜陶詩嘗以所作用陶韻詩凡百餘首  
別爲一冊刊行

送蔡生歸天平莊

頻年楚粵失春耕花柳淮東歲又更愁裏新烽侵海色酒

邊哀角亂江聲室家飄泊悲塵土肝膽淒涼向友生今日  
桃源杳何處一橈相送遠湖城

重過露筋祠作

廿載靈祠百往過苔牆裊裊舊垂蘿滿川霜色風裳冷萬  
木秋聲水殿多隔縣煙波聞野哭窮湖門巷自漁歌勞人  
短鬢今逾白兵氣南天近若何

林鴻年字勿村侯官人道光丙申一甲一名進士授修

撰官至雲南巡撫有松風仙館詩草

詩話勿村罷滇撫歸主正誼講席十餘年大府疏陳  
學行加章服視三品平居訓士謂詩文爲之太易則  
傳世不遠及門請刊詩文集僅付以西  
游草一卷其松風仙館集迄未就刊也

楊忠愍公墓道

殿前員外擊神姦遺屬傳觀淚盡潛狄道君恩思強起容

城鄉夢斷生還東樓雲黯無佳氣西市風香有笑顏手筆  
淋漓曾仰止焦山山上拜椒山

咸陽道中見罌粟花感賦

濃紅淡白閒禾麻流出膏脂幾萬家原隰灼灼田上下可  
憐栽徧米囊花

李本仁字藹如錢塘人道光丙申進士歷官安徽布政  
使有見山樓詩草

重建滕王閣賦詩落成

臨江新構鬱蒼蒼九派煙濤接混茫上界星辰通碧漢下  
流砥柱束衡陽魚龍影裏珠簾靜鷗鷺風前玉笛涼莫認  
當年歌舞地好留形勝控南荒

孔慶鋤字稷臣號誠甫曲阜人道光丙申進士改庶吉

士厯官貴州按察使署布政使有省香齋詩集

詩話誠甫風有詩名早年工傳似朱王壯年綿邈似范陸其標格不凡源本深厚爲同時所稱晚年患目乞歸偶有憂時發憤之作皆口授及門詩境益汪洋渾厚與少陵爲近

江岸阻風陰晴不定晚復見月詩以誌之

波流迅若馳船泊轉疑退夕陽挂篷角水光搖艣背江面  
暗潮生京口羣山對東風扶雲行天半倏如晦驟雨須臾  
來跳珠入船碎興阻擊楫歌倦欲敲枕寐晴雲一綫明彷彿  
得秋意清聲振蘆葦微涼逗衣袂蟲響正未歇蚊陣時  
復肆月影入船窗窺人人未睡

不雨歎

春無雨農民苦麥苗短枯遑栽稷黍女縛柳條男打鼓圭  
壁告神神不語淚滴秋田未耕土

黑雲四塞天如墨望雨不來試風色亂飛急點土未溼風動雲行留不得舉頭忽見纖纖月

有兵之地多殺傷無兵之地多凶荒前年旱蝗在麥後今年麥秋幾無有嗚呼蒼天兮民何辜邊隅不靜兮中田荒蕪甯被荒兮毋被兵半菽不飽兮芸芸其生

承齡字子久一字尊生滿洲旗人道光丙申進士歷官

貴州按察使有大小雅堂詩集

詩話南皮張文襄視學四川時爲書目答問舉國朝詞人僅六家滿洲居其二而尊生冰蠶詞與焉尊生之詞固可與容若並傳詩亦清新雅健其出守黔中與莫邵亭芷升兄弟最契黎蕤齋方落拓贈詩期許甚厚尤有前人愛土之風也

齋居述懷

郎署簡趨謁永晝罷拘束暫謝車馬擾稍覺形神屬虛庭

冷清颺芳階曠遙矚疏花改春榮繁陰敷夏綠感茲生意  
成悟彼化機促遐心寄縹緲深襟託醅醑慙無滄海略久  
索金門栗仲生述樂志老氏貴止足逐物詎有涯賀貧期  
不辱仕隱希古人庶幾企高躅

句當播事甫定喜晤莫邵亭孝廉

友芝

不狼山斷陣雲開豈意軍中數舉杯詩格舊傳無已似儒  
林今見道真來遺書珍重經烽火講舍蒼茫辨劫灰朱鷺  
賡歌須潤色問君何日向燕臺

### 奢香墓

閒關密計達神京九驛榛蕪自此平能爲君王開道路肯  
供邊吏事功名蒼茫菁木餘香塚迢遞山郵改故程石砧  
英姿同颺爽更從馬上請長纓

贈黎莼齋茂才

庶昌

培塿無大木，淵流成回淵。雷雨久鬱蒸，乃薦芝房篇。黎子

出播州，此邦信多賢。鄭

珍莫

友芝

闢壇坫，機雲競聯翩。

黎兆

勲庶燾庶蕃

前輩有典型，聚輝騰星躔。蓬生且挺出，矧彼楠與

楹。美理能自照，祥金方出埏。宮商中琴瑟，將賡清廟絃。曲  
儒飾匡濟，四野滋戈鋌。以之貢玉堂，可使涉巨川。當子登  
樓日，憶我射策年。學宦兩無成，蹉跎欲華顛。爲農當力田，  
鑿井當及泉。願子鑒景光，生才非偶然。

寓畢節劉氏小園養疾雨霽登眺偶成

受代容疏嬾，山城晝掩扉。未充句漏隱，已息漢陰機。搔首  
久難問，倚欄胡不歸。雲山供病眼，霽色入清暉。

泉韻汎瑤瑟，城陰羅翠屏。鄰渠穿屋過，檐樹影山青。滇蜀

仍多事風塵此暫經牛車何處宿悵望好林亭

馮志沂字魯川代州人道光丙申進士歷官安徽徽甯池太廣道署按察使有西隄山房集

登妙峯

長松偃蹇山厓屢倚空矗立如懸梯回旋三百六十級絕頂上與浮雲齊我來山下日卓午林風颯颯籃輿敲忽如舟行上急瀨長篙巨石相撐搯蜿蜒一綫入空碧後迷來徑前無蹊興夫邪許亦良苦據石憩暫還嗟咨平生覲面等胡越此際相倚同安危斂昏階盡得峯頂入寺再拜潛致詞自知賦命甚窮薄此行無恙邀神施世途杳杳未徧歷苟免顛越無他所登輿卻走下絕壑微茫夜色迷東西峯頭鐙火出天半繁星掩映交參差歸途惘惘若夢寐濟



勝無具良自嗤黃塵烏帽固爲苦布襪青鞋甯獨宜此生  
位置任天意倒身一卧忘飢疲

伯言先生決意南歸有感賦呈

昔歲辛丑時初秋朱君介我從翁游餘二三子亦同志微  
言奧義窮探搜五年頗極文字樂志欲據此輕王侯浮雲  
變滅那可道酒人一散如輕漚朱雲忼懔幸不死王郎抑  
塞誰相收江南勞客魚鱗尾塞北逐臣烏白頭如數子者  
豈得已當時頗惜余雅州輕將磨蓋易觴詠一官萬里天  
西陬年來自視頗失笑簿書堆案如山邱得閒對酒不敢  
醉始知人事難自由先生曹署甚清暇乃亦不樂思歸休  
小園花木手自葺扶疏紅蓼文窗幽前年種竹爲久計作  
記曾笑黃岡樓敬亭山水自可念胡不暫爲學子留翁言

我往計已決子方少壯宜遠謀賤子問言竊愧汗引鏡自  
照白髮稠讀律何關致君事無田不退坡公羞耦耕亦要  
有沮溺政使去住無良籌文酒流連樂已細是不余畀餘  
何求他年儻訪通德里願執吟鞭隨杖鳩

悼龍翰臣方伯

昨見除書意已悲謂君新廢蓼莪詩誰知遠道懷人日正  
是高堂哭子時樽酒歡娛成昔夢名山事業渺前期年來  
親舊凋零甚我亦繁霜滿鬢絲

悼潤臣

南客相逢御水濱言君消息共沾巾家逢多難生無樂官  
未真除死尙貧欲問平安成永訣更傾懷抱向何人橋西  
文酒淋漓地華屋山邱跡已陳

雁門童子行

從姪潯山巡檢焯之子

童子十四名福基瑤環瑜珥玉雪姿早有才語驚父師弱齡能解易與詩賊窺潯霍遭劫持身非不能走險巖恐母不免躬嘗之日夜念母惟涕洟豺狼安識字孝慈聞兒夜哭爲心悲懷中短刃勤磨治誓不與賊生同時賊走藥肆方晨炊兒喜竊謂計可施懷毒乘閒投釜錡賊十餘輩皆橫尸偉哉童子真權奇自仰餘藥甘如飴殺賊十數賊不疑委棄野寺不以隨荒山兵後難求醫一瞑不復瞻庭闈軍興以來歲十稔環寇諸公印纍纍異哉童子能爾爲我欲再拜言天堦謂天蓋高蟣蝨卑題詩淚墮如綆縻告千萬世無愧詞

別少鶴

近局恩恩路阻長相看吟鬢各滄浪一官飄泊仍軍幕八  
口艱難且故鄉客子欲行歌慷慨故人臨別語悲涼可堪  
他日成追憶團坐同依短燭光

夏子齡字百初號祝三晚號憩園江陰人道光丙申進  
士授禮部主事歷官直隸候補知府有莞爾軒詩存  
詩話百初十二歲侍父登江樓賦詩有老魚人立江  
豚拜知有元龍在上頭之句座客驚異謂他日必大  
魁天下後果領補南宮因親老由禮曹改外補縣令  
歷官河朔畿南多異政咸豐庚申京師戒嚴士寇四  
起時宰饒陽以練勇破賊  
敵千事卽定功尤著云  
題朱仁奉先生印草

先生不佩六國之相印亦不願封萬里之通侯黃金斗大  
那用懸肘後但願手持寸鐵剔抉唐宋刻畫秦漢摹商周  
我昔從師游之無不識童蒙求先生口授兼指畫案上纍

日知錄言部卷一  
二  
纍落落堆琳球方圓凸凹寬短修位置妥帖如山邱小者  
密緻大雄傑胸有成竹無全牛砉然使刀如使筆直似神  
禹龍門鑿石分河流須臾忽作龍蜿蜒又似仙山風雨離  
合來羅浮縱橫變幻縹渺不可測但見霏霏玉屑青氈稠  
媧皇煉就五色石紅泥著紙蟠文蚪魚龍欲走蚪蚪躍力  
出字外鋒中適我亦廢書歎奇絕先生得意不我尤煙雲  
易過眼今已十四秋南山石爛古銅朽雪泥爪印飛鴻留  
丹雲萬朵已成帖命我紙尾書長謳師云顏回亦可鑄我  
愧宰我難雕搜作詩恐聚六州鐵見譜勝獲千金裘噫邈  
斯賈蔡不復作秦篆漢隸幻滅如浮樞先生好古精意泐  
金石會見珊瑚鐵網爭相收

感遇

出岫閒雲任去留殷殷時抱北門憂名場蹭蹬迎風鷁宦  
海塵勞喘月牛期已及瓜遲未代事同采艾急難求鄉心  
又逐莼鱸起可許江湖泛一舟

漫說長安不易居冷官許讀十年書早知似馬原非馬何  
事騎驢再覓驢議禮尙留三賦草摩霄空羨五雲車南宮  
風月高寒甚插腳塵凡總不如

### 樂城

極目炊煙斷傷心道殣望埋輪避徭役墮戶走他鄉火赭  
旗亭壁灰飛梵宇梁何時安百堵垂意戢流亡

### 和逆旅題壁韻

幾曾句漏乞靈丹歸計茫茫且就官不少頑民牛自帶生  
憎悍吏虎而冠流離始覺承平樂守土方知保障難慷慨

悲歌入燕趙未甘長鋏向人彈

過沙河縣

亂轍臨河整復斜一鞭著力馬噴沙  
荒城避寇官招吏野寺無僧佛破家  
尙有軍書傳契箭從無烽堠響悲笳  
哀鴻飢雁知多少漂泊於今未有涯

自題鷺鷥畫扇

露冷霜寒不自知雲飛水宿度委蛇  
于今不是乘軒鶴那有緇塵浣素絲

史樸字文輔號蘭畦一號竹友遵化人  
道光丙申進士  
歷官廣東督糧道有如舟書屋詩集

過邵伯澤

江左風流屬謝公人懷遺愛召棠同  
從知淝水成奇捷不

是清談倖奏功

徐榮原名鑑字鐵孫漢軍旗人道光丙申進士歷官福

建汀漳龍道殉難予騎都尉世職有懷古田舍詩鈔

詩話鐵孫少有才名受詩於張南山以學海堂試十  
臺詩爲督部阮文達所賞今人詩話亦載其事誤以  
十臺爲十壺鐵孫作令浙中幾十年以情惠著殉難  
後其妾伍氏江蘇武進人迎喪至杭投繯死鐵孫有  
大戴禮補注曰新要錄金石萃編補遺梅統等作旁  
及分書畫梅靡不精善完顏崇文勤序懷古田舍詩  
集云鐵生徐公以其高才博學發而爲詩雄視海內  
集且四十卷八旗中之爲詩無若公之多且美者今  
所傳僅六卷  
當係節鈔

清遠峽

陡覺雲當面不知山到門山飛一水出水挾兩山奔石氣

青天上風帆碧樹根無窮今古意來問白頭猿

溫口泊



畫裏青山伴客眠，刁騷蓬背散寒煙。  
夜來領略詩人味，涼雨孤舟入楚天。

九日閉戶獨對菊花

無人來伴賦登樓，負手荒籬當出游。  
萬里山川重九節，一枝風雨故鄉秋。  
乞錢古有蘇司業，作宦今慙馬少游。  
歌舞岡頭今日酒，幾人歡笑數觥籌。

樟樹灘

榆溪繚而深，樟灘直而豁。  
地偏亂石據門險，眾流奪未到。  
聲先聞滔滔殷天末，高雲驚忽潰老葉危。  
已脫青山如癡聾，終古遭恫喝灘旁有寒鷺。  
久立不嫌聒，急流安得魚。愚哉此生活。

拗嶺

積翠遠成嶺瞻高近無路蟻穿方右旋螺盤忽左顧層冰  
慘不春亭午凍猶洄倚天石僵立拂地雲暗度溪深下聞  
聲竹密上防露三休惜雙屐一讓枉百步平生與世拗茲  
行若予悟江湖胡不歸戎馬正多故

、徽江水

常怪徽江水迴環曲似鉤幾疑山四合不放水東流更遣  
千林石來迎一葉舟天涯行役苦說與鷓鴣愁

周源緒字復之號訥盦祥符籍山陰人道光丙申進士  
歷官安慶知府有訥盦遺藁

捉夫歎

干戈暗兩皖無地容犁鋤昨夜軍帖下大索臨淮夫定例  
役一兵兩夫隨之趨所以節兵力爲王執戈爰奈何寬大

思叅此豺虎軀既非綠營選又非閭左徒魑髻應召募殺  
人膽更粗擄我子與女鞭笞無完膚天寒道路遠終夜聞  
嗚呼吁嗟汝良民乃爲奸民奴世事日翻覆爾其忍斯須  
昨夜前隊過婦女載後車懷中襁褓兒涕泣牽母裾白刃  
斷兒手鮮血淋路衢何時王道平羣盜痛殲除若輩一坑  
盡普天得安居

舟中聞賊兵陷清流北竄

吳楚蒼無極扁舟失所依旌竿莽迢遞風水互乖違屢陷  
清流險空堅白下圍滿腔悲憤意無路達天扉

周沐潤字文之號柯亭祥符籍山陰人道光丙申進士  
歷官常州知府有蠶室詩錄

詩話文之爲介堂太守侍齡子道光丙申介堂守蘇  
州文之與弟復之同捷禮闈林文忠方撫吳集香山

少陵句。聯云謝安子弟佳難得庾信文章老更成。  
其弟悚人。附叔季。此並負時名人各有集。擬之賈氏。  
聯珠亦清。  
門佳話也。

詠古

銀漢來天上黃河落地中兩間無阻隔一氣走鴻濛大樹  
能興漢長城不限戎若持同體義朝野奏膚功  
不是勸農還安知稼穡難括田唐使者搜粟漢都官天下  
非秦越朝端必范韓諸君願階泰莫廢註危竿

立秋

不待庭梧下森然色欲秋天遙孤鷺接海入亂蟬流林氣  
涼吹野風聲危倚樓明當出郭去漑種省民疇

歲除

紅燭光陰落海蠻日須光怪映江山商量兒女長生話成

就衰翁到死閒吾輩憂心年命外一家樂事亂離閒旁人  
莫厭綈袍舊兩度登陴戰血殷

自歎

海東紅日照蹉跎牛側淒涼發浩歌魯圖射夫三舉解韓  
原戰士一麾戈冰霜鯨觜孤柯在天地崢嶸晚霽多我與  
維摩同一病蒼生涕淚滿山河

俞汝本字秋農新昌人道光丙申進士歷官獨山知州  
有北征詩鈔

黑巖子

新灘旣已下黑巖當吾前一石挺中流削另撐青天石旣  
與我拒水亦與之纏水石相擊撞腥擁蛟龍涎徑路僅一  
綫我舟如鍼穿去此忽十里兩岸浮炊煙舵樓亦晚飯嬉

笑聞長年

空岭三珠石

空岭險莫匹其下連三珠空岭宜迅速三珠宜紆徐我聞  
舟人言潭底通三吳不知幾千里荒誕驚鄉愚我行殊一  
瞥豈有神明扶惟茲石三珠曲折不一途穿穴似蟻附轉  
磨宜牛紆去此而適彼凶避而吉趨弓躁手自柔駕輕車  
不踰於茲悟妙理吾學射御乎

西陵峽

峽勢如擁出上與青天齊其下有重淵一紙鋪琉璃所喜  
無巉巖放棹免留稽戔戔荆門山曲折縈丹梯千巖與萬  
壑秀絕巴江西及茲得飽看何事勞扶藜黃牛旣以靜白  
馬聲亦低我今喜無事但聽春鳩嘯

喜鄭生子尹珍自播至

握手疑夢寐君胡獨客來荒城一相見無語且含杯當代  
祇數子百年誰是才黃花未銷歇期爾素心陪

劉映丹字慕韓廣濟人道光丙申進士改庶吉士歷官  
商河知縣有馬稷山房詩鈔

紫荆廟

軼事風流說揭公盤塘江上宿征艤夢非神女襄王幻兆  
與天孫郭令同一樹紫荆迷夜月半間黃土剝秋風閒來  
不敢求茶喫彷彿茶煙裊闕宮

陸以湑字定圃號敬安桐鄉人道光丙申進士官杭州  
教授

既改官作歸興詩

此去真爲泛宅行扁舟江上訂鷗盟酒從黃葉聲中醉詩  
向青山影裏成高枕連宵酣旅夢小箋沿路記歸程掉頭  
笑謝風塵侶圖史蕭然萬慮情

謝榮埭字履初號方齋浙江山陰人道光丙申進士改

庶吉士授編修改甯波教授有定靜安室詩橐

詩話方齋幼劬學夜擁被讀書常達旦帳煙如墨既  
入詞林分校禮閣以馮景亭桂芬爲首分校京兆試  
以何小宋璟爲首一時許爲得士坐  
事罷歸晚乃改就校官年至八十餘

延平道中

秋色凌霜老秋聲挾雨濃亂山黃葉路古寺白雲鐘渡口  
添新漲城牙繞碧峯待時藏寶劍未可化爲龍

江忠源字岷樵新甯人道光丁酉舉人官至安徽巡撫  
殉難贈總督諡忠烈有遺集



詩話：峴樵少游京師與曾滌生郭筠仙以道義相切  
劇尤篤於故舊嘗護送其師鄧鐵松友鄒柳溪曾泰  
田之樞樞人高其義究心兵家言遭時多故屢立戰功  
至專閫未竟其用舉世惜之存詩不多感繫激烈凜  
然有不可遏抑之氣  
讀之猶想見其爲人

沅州舟中

數載風塵苦今茲返舊林那堪雙鬢影又照五溪深水曲  
帆徐渡山高日易沈灘聲已嗚咽莫更聽猿吟

贈彭暄塢

人生如行舟南北隨所牽桑梓不常值萬里忽相見嗟我  
狂且愚動輒遭世譴不謂與君交膠漆同縑綵君才如干  
將凜凜寒芒炫我獨契其深反復看不變煌煌帝王都夥  
傾走羣彥咄哉兩狂士閉戶守孤賤孤賤何足論要以道  
自縊吾道久堙鬱相期共摩鍊

金非冶不堅玉非鑪不美嗟君獨何爲遽此銷骨毀奇骨  
豈能銷天意或可揣虞卿坐窮愁著書照青史范叔非去  
魏誰知天下士古來豪傑人半自動忍始窮冬天地寒霜  
雪誰處是松柏孰後彫蒲柳孰先萎請君慎自擇庶以躡  
前軌

李杜忽已遠風雅委榛荆嗟君涉末流欲與狂瀾爭向效  
西崑體綺語吾不賡邇來氣初壯筆底韓潮傾繡腸百怪  
具巨細隨所鳴會入明光宮吮筆賦清平甯當老風塵似  
我蓬蘽行我詩久不作荒田聊一耕願聆威鳳響莫作寒  
號聲

贈曾滌生庶子用東坡除夜贈段屯田韻

洞庭渺人閒衡嶽矗天半茫茫高與深妄測真可歎先生

廊廟珍甯比白珩玩延裕下水船叔夜廣陵散有如大國  
楚曹檜誰等伴才高心轉下吐納師公旦叔季俗澆薄噴  
飯堪滿案鸞鳩搶榆枋井底蛙聲亂賢者不可測無垢躬  
自盥几帶勒箴銘韋弦砭急緩庶幾忠恕心家學參一貫  
行當位夔龍爲世起貪懦春和美陽澤萬物歸鑪炭功成  
湘水上松竹款山館嗟余亦嶽寄世態羞冷暎感君纏綿  
意勉歌發笑粲

寄郭筠仙昆仲

翠柏產高岡百卉無顏色得一已足珍雙株況挺特物生  
固難量才大天所嗇嗟此獨鬱蔥吹噓豈人力大厦需棟  
梁良工終見識霜雪雖云苦摧挫實培植保此後彫心無  
爲徒鬱抑

訂交近十載相見能幾霜京華一相失各在天一方昨夜  
夢見君攜手入我堂覺來仍萬里殘月照我牀吾思齊年  
中莫如與子臧子今旣顛顛我意亦淒涼淒涼何足惜但  
恐鬢毛蒼各理千秋業努力愛時光

黃陂道中與郭筠仙太史同年別

我入豫章城勢危如累卵千鈞拌一擲此生分不免故人

鄒

叔績孝廉僕勳

與郭建義集楚產先後赴重圍吾死獲少緩誰

知險方出逆餒倏西燁巍巍半壁山孰使豺虎滿坐令長  
江險千里失扁管赴救旣慚遲周防尤愧晚艱虞襄漢深  
辛苦蘄黃遠死生寄戎馬性命實危淺郭侯忽告別臨歧  
重繾綣道途有荆榛何鄉是夷坦涼秋風雨多中夜離愁  
綰來生會有期今生各黽勉

葉名禮字翰源號潤臣漢陽人道光丁酉舉人歷官內

閣侍讀改浙江候補道有敦夙好齋詩

詩話潤臣治金石考訂繩其家業舍人久次得遷侍讀同時士大夫以學問名節著者皆與結納蔚騰清譽迨粵疆僨事愍其家督鬱鬱改官南行集中詩以塘郵道中作為止蓋至浙不數月姑作遽卒湖山之美未一留題也

天甯寺塔鈴歌

明司禮監馮保造

天風無聲銅仙泣浮圖高聳十三級塵沙飄墮懸鈴孤廠

臣馮保名可識雙林松檜參天長遺窟久付狐魅藏雙林寺馮保

保營葬地雙林蓋其字也風雲魚水信難恃風雲際會魚水相逢皆得明神宗賜馮保牙章

毋鑄此諛空王三千寶琅雲中舞塞耳不聞鐘與鼓燈火

高懸燕薊郊膏脂力竭東南土威權早竊薦紳危象教有

靈神鬼怒青玉崢嶸飛鳥絕此塔厯徧興亡劫九鼎潛移

十廟荒異代傷心有殘鐵噫吁嘻奄人倒柄持太阿鐵牌  
豫誠良非苛煌煌祖訓將如何

餘干縣道中口占

綠樹蕭疏古渡頭人家幾處映沙流炎風六月餘干驛一  
帶蟬聲送客舟

重過北蘭寺

六月僧廬晝掩扉殘鐘無語客來稀江聲遶郭蛟龍靜樹  
色低檐蝙蝠飛名輩已隨斜照盡倦游祇覺二毛非扁舟  
又作南征客惆悵西山隱翠微

子將有黔中之行

舟夜聞雨夢姚梅伯

欲覺聞殘雨傷心夜夢非波濤吾不死烽火汝誰依患難  
憐歧路悲歌仗布衣風塵何日息相見有漁磯

張詩舫侍郎畫慈仁寺雙松圖留置寺中

香光妙筆今何在劫火銷沈一惘然

地名大慈仁報國寺王漁洋許天玉所見

二松久爲火焚今後種者亦百餘年物也聞董文敏公有報國寺古松墨蹟藏商邱陳氏又見孫枝散

鱗爪幸逢詩老寫雲煙琅琅鐘磬伽藍地寂寂鶯花祓禊

筵

今年四月展禊之會侍郎有詩

一例稽山重悲感好將石墨付他年

夜過晁星門寓適有僕來自六安攜其鄉人手札備

述近事感作

故人有僕天邊至夜雨疏鐙問訊頻廬舍幾楹存白壁圖

書萬卷委黃巾公家急務惟戈甲吾黨深憂豈賤貧讀罷

尺書空悵望監門何日繪流民

廠肆式古堂主人以宋拓本蜀石經殘本見示作歌

紀之

式古堂中富名翰示我一冊尤魁奇發編古采動心目孟

蜀刻石存子遺春秋左氏第十五萬二千文有奇居切拓

本卷首行題春秋經傳集解襄二第十五次行題杜氏以

盡十五年未行經七千九十三字注五千二百四十四字

注附經昔未見潛研數紙當時推錢辛眉詹事大昕得左

行甚寶貴見潛研堂金石跋尾十年前遇陳仲虎撫版成帙欣相貽釀金

將助幸同學風流儒雅堪追思陳雪峯文學宗彝得吳門

首章有缺文即風獨全又從車秋船持謙得左氏殘字三

葉與錢詹事跋尾悉合同入助貲合刊成冊雪峯一字仲

虎安得好事踵斯舉萬本流播經生惟惟東丁叟儲朴刻

昨者劉覽今神馳丁儉卿封翁晏於淮安書肆得北宋汴

證各書矧茲寶墨更希有摩挲何讓商周彝率更筆勢宛

親授餘事亦復淩等夷孫逢吉張紹文楊鈞周德貞各騁

譽寫孤經者知為誰惜哉計贏不能奪持壁欲返空嗟咨



鄭珍字子尹號柴翁遵義人道光丁酉舉人官荔波教

諭特用知縣有巢經巢詩鈔

翁藥房曰子尹詩簡穆深厚時見才氣亦有風致詩  
派於蘇黃為近赤水之淵拔青骨於埃壘之表不規  
與曠論靈思於無不與之合莫子偲曰子尹為詩  
規肖仿古人意而率然應之要害曲折轉益洞快論  
若非所甚留意而第一文筆第二歌詩第三惟詩為易  
平生著述經訓訓第一文筆第二歌詩第三惟詩為易  
見才當其興到頃刻千言無所感觸或經時不作一  
字其盤其與氣熊熊之光瀾瀾頓挫不主故常視近  
世日程月課後編先生詩蚤歲措意眉山晚乃由韓  
孟以規少陵才力橫恣範以軌度冥心妙契直合古  
人又通古經訓詁奇字異文一入於詩古色斑斕如  
觀三代彝鼎篆法遠紹冰斯從容合矩興趣  
所至問亦點染山水蒼橫蕭散超絕時史  
詩話子尹禮經小學纂述博綜餘誦為詩能運健筆  
委折達所欲言意象開拓力避庸懷邵亭與之齊名  
當日互道心得庶幾各慍分際初刻詩九卷貴筑高  
氏刻後集四卷華陽王氏再刊於粵中補錄遺集一  
故為審擇以存

同柏容邵亭泛舟過禹門山還飲姑園

老去人事多所樂在襟帶向來濟勝具浪擲悔無賴東里  
山水平當門此其最五弟入村來食藿不我糲老樣又好  
事能令小船大秀才作游戲方舟正無害水光青竹閒山  
影紅樹外招提上絕壁草木紛晚馥放言徒充棟子餘所  
沾丐吾儒有奇邪何責彼狡獪老僧喜我醉請書壓濤懶  
爲攀千丈厓卽我百年蛻兩孺盡葵栗催歸蔭松蓋野人  
饗官具邱嫂無已太公然登螭羹此眞未前蔡明儻不吝  
晴上流可揚汰會禽石斑魚更與斫新鱸

黃焦石

後園黃焦石厥癩如蝦蟆古柏覆其頂蒼苔布其窟石腳  
何所有纂纂楸木瓜石縫何所有黃黃蘘香花初來治茲

圃地瘠不可鉾辛勤我母力十年擁糞渣不知鎔幾鉏砢  
硝化爲畚秋分摘番椒夏至區紫茄小滿拔蔥蒜端陽軒  
頭麻頭上覆尺巾細意毫不差時來憩石上汗泚慈色加  
指麾小兒女亦學事作家觀之不如意復起爲補苴舊時  
值坐處塵沈風與爬爾來三四年荒翳藏蛇蠅獨撥莽中  
覓隕涕至日斜

厓塹口

羣厓力弄險擠天作曲尺樹從開闢青石積混沌白一溪  
中蕩翳聞聲俯來黑孤雲帶去鳥飛避不留跡白日落其  
內炎天起寒色陰沈疑鬼宮宛轉入暗壁來者自天降當  
頂踏我幘兩心各成驚熟視始定魄盤盤透地縫忽出井  
口窄覓路者誰子此眼真有力是邦平播前恍惚難盡識

一朝會平蕩茶鹽得通易山川終古來恐究淪異域

雲門燈

遵義東樂安江一名斤竹溪源出綏陽卽元

置樂安縣播州置恭水縣皆以此水名其水穿燈出會眉水流百餘里入延江

牢江驅白雲流入蒼龍門門高一千仞挂天氣何尊蕩蕩  
百步中水石互吐吞阿房廣樂作巨窳洪牛奔餘波噴青  
壁震怒不可馴眉水若處女春風吹綠裙迎門卻挽去碧  
入千花村我行始兩日異境壯旅魂扶懸自何年信有眞  
宰存夕陽一反射倒樹明蒼根老蝠抱石花紅暈雙車輪  
仰歎山水奇俯躡造化跟想見混成日待與覓者論

吳生招偕同人游東村飲其妹氏家村在諸葛洞後  
諸君誠喜余不惜導幽騁渡江行十里果造遠人境茲村  
信深僻水裹山以互占田僅七戶居人無數姓蔓老甘薯

荒雨餘茈萑淨橘柚青黃間時立美人靚秋梨驚尙花節  
候訝非應入竹縱緩步觀松得吾性驚禽時一鳴薄日漾  
虛映吳生故好事置具累親倩大巢煮新尖脆筍掘早迸  
半歲羨罨法味果生韻勝事事愜所尙爲子一醉竟幾見  
迂廣文魚鳥能送迎酣歌謝林谷斯游準難更後日君等  
來尙憶谷口鄭

書明孫文正公五律四首墨蹟後

高陽諸葛流策進先善守崇禎五十相誰歟出其右如何  
松濤亭閒此活國手旁觀送日月浩歎付詩酒回首山海  
東心盡百八叩遼左等閒棄神京究何有昏昏一世人猜  
吠隨指嚇莊烈固英主補牢未爲後豈眞四城復斯人遽  
衰朽終要甯遠關何惜祖大壽擎天竟聽去明社焉不覆

流傳翰墨緣虹光照虛牖舊聞鬚如戟謂當平原肘繞指  
一何柔始歎包孕富

北洞

北洞雖名洞迥與洞不同入穴出自穴已非意想通謂是  
不知處乃卽東橋東臨江蹲蟄頤吐吸白玉虹行人渡虹  
背擾擾如蟻蠓屢轉入蜂房又當穴正中小口嵌玻璃照  
見千檣篷天匠妙布置似窮正未窮一綫上雲霄闌楯非  
人工是樹瘦屈盤是石蒼玲瓏如緣古梅椿凸凹穿蘚封  
絕叫出青壁浩浩乘積風神仙好居處倒垂綠芙蓉面面  
開戶牖剔透淩煙空下視古舞州秀若壁挂弓欲攜馳走  
見此豁星斗胸竟無一聞者惜余足音蹙憑高發深喟永  
懷雲谷翁

南洞

南洞更奇極壁立千丈厓誰將顧陸畫挂向蒼江隈嶙嶙  
丹翠間錯落金銀臺石扇做雲頂畫檐飛鬼鬼路緣屋脊  
上僧出蜂孔陪高空來鬼神中天風雨迴憑闌望晴霄天  
門如可階安知已巉絕異境中巖開五步一小峯峯峯瘦  
皴排石林夾幽徑綠蓊掌大苔沈沈靜白日花深無鳥階  
渾忘在壁上竹影搖尊罍坐疑西南徼茲勝何由胎帝應  
憐黔山鬢花而髻魑爲割海上奇一令耳目恢有力夜負  
至左股失蓬萊孰云過者過觀者返自涯長嘯語山靈孤  
詣自古來

腕傷將復聊短述

庚戌九月望柴翁左腕折是時方晨雨移桐視傭掘著屐

指栽處下階齒忽蹶卷卧泥溝中但覺半體劣家人扶而  
起不審中何骨搖之響如籜非斷卽挫折傳以藥使蘇夾  
之板防脫痛苦經一旬寢飯賴結髮余時又奉檄矜佩教  
城闕昇去焉能已震掉豈得說俗云傷筋骨瘥不百日越  
直以不治治棄投藥與楔果然距至今腫散脈歸穴微微  
與右異稍稍終不別吁嗟老可憫百縑末由出人患與天  
刑靜思怨尤滅爲治足必烙爲匠指必血弄潮死潮頭厭  
虎落虎舌善將樹下絕善騎板齒裂禍福盡自召事異理  
可決山堂本童山十載樹成列不知幾千株非候亦旋活  
豈知適心時已逼喪己節利害相倚伏於茲悟根櫟敬慎  
要不敗萬端墮昏忽

白厓洞

白厓在荔波治北十里積素削成高入雲際  
其足大空豁洞修廣五六丈左迤上峭壁丈



許復一洞如外修廣非狎險者不敢至右復一洞  
內下暗然有泉自亂石間出或洑或澹知中必幽  
潭也勞村江經其前眾山東之來去莫見厓上下  
草木叢碧有枝莖似桃竹多毛而葉如杉者未究  
是何物四月廿日余挈  
舟游焉同者凡七人

鴻蒙昔未分積此千仞雪開天日月嫩不能解頑結其根  
有融處婁絡成洞穴江穿日雷闢撞擣忽中裂半隨流水  
去此矗面如截剛風吹老硬萬古不受湮下嵌若偏厂楣  
屐失前列積陰養苔氣厯久化蒼鐵蹲門綠蝦蟆一水漱  
其舌白日澹波光寒森四山閉沈沈百尺潭蟠蟄富詭譎  
驪龍常吐珠騰光夜飛掣上下雲間峯見者大如月兩岸  
盡懸壁鬼愁徑路絕自非藉舟槳何以達靈窟我來仲夏  
末周覽歎奇兀攀深足餘酸題峻膽尙烈弟子黃精粥先  
生胡麻屑石上一樽酒了覺天地別逝將茲避世豈獨擬

逃熱倚醉放歸橈回首肝肺微

集邵亭芷升黃子壽唐鄂生及同兒食欣然有作

才難聖所慨會合尤難諧喜此席上人幾盡坤西南不因  
艱危際奚自翕且耽莫五別兩年北選無路參書叢借小  
住文獻思獨擔黃九讀中祕歸來日朝三攤書忘軒冕穿  
穴如蠹蟬唐四今端孝嘗險備苦甘葛經舍外寢高師拜  
遷談不見止三時莫六更出藍未肯受蒙困惟於古乎貪  
各抱千秋想對之我何堪身心兩衰落理籌牛骨鑽經年  
風中走自縛真如蠶此集亦何幸嬾拙又見涵譬但分殘  
冷我已飫且酣小兒強解事可笑不自慚未覩宗廟門焉  
知有牛函長者謂可語亦且慰白髮當代大師業吾邦遲  
遠覃不知自誰氏開先啟其弁於今三十載守失乃在郊

北海無細漏南閤有獨探誰信嘉道來家法多逆男思下  
牂柯兵諛邪令受戡吾衰付公等此意非狂譚獨惜世界  
黑乾坐憂如惓鄉國盜充斥去向迷劇驂日夕望阡墓我  
馬何時趨安得武陵溪桃花紅映潭放我及數君東西對  
茅庵農閒輒款戶佳日還昇籃道泰會有時聊云樂飄飄  
心長苦髮短念此殊醺醺

曉行溪上喜而吟

昨午點滴不成霰入夜風雨擡山來朝看遠水白於鶴天  
垂野淨無塵埃柳葉綠村膩沒縫麥穗壓隴青成堆誰潑  
遙林十斛黛樹肥綠重山欲頽未聞雄鳩喚逐婦尙見嶺  
雲黏不開雨腳肯愁未斷絕土膏正賴勤滋培去年眼不  
識冰雪沃畝坼兆生草萊開歲屢得三日雨天公亦閔黎

農災破田歷適不保澤水至立惘真可哀卽今春序就垂  
盡布種無地甯論栽田家望望急如火一雨喜徧叟及孩  
短後晨披不待沐攜犁荷杷衣蓑臺上田翻車響犂角低  
隴叱犢聲喧厓山人亦出行盤徊沾衣溼屢踏岸苔天氣  
陰陰雜花遠曉寒嫩嫩溪風回人煙稍出苦竹外漁艇暗  
度青厓隈顧怪水輪昨何澁此日速似千手推皇天助人  
在俄頃欲任智力嗟難哉不知百鳥作何語似訴中夜厄  
雨雷吾得豐年爾亦飽爾曹莫怨翎翎摧

### 桂之樹

桂之樹樹在儼宅前三株離立各合抱一株踞右獨茂圓  
其後大冢京兆阡其前壁下蔣家田樂安溪水繞田過清  
淺可厲無橋船年年負擔指南走次次涉此求塗便丁酉

以還食於郡八十里歲八九旋一回別母一回送桂之樹  
下坐石弦度溪越陌雨不見母歸入竹兒登簞此景何時  
是絕筆十月初四己亥年嗟嗟乎桂之樹吾欲祝爾旦暮  
死使我茫無舊跡更可憐吾不祝爾旦暮死使我自今撫  
爾長潛然桂樹止無情永念對蔥芊

### 飛雲巖

扶輿靈秀各有分貴州得此一朵雲蠻風萬古吹不化中  
有元氣常氤氲造化之手信幻極四海不作雷同文茲巖  
豈復涉世想雲將授削天磨斤成時莫自贊其妙俗閒巧  
頌徒云云經巢居士鸞鶴羣一絲不淨落世氛紆行五日  
爲看此所見乃過前所聞十里泉聲接幽壑蒼蒼萬木煙  
繽紛買宅徑思傍雲住下視擾擾同飛蚊犴童獠婦不雕

琢歲時雞豆情殷殷巖近佃耕者歲租外奉田主那能齷  
齷走塵狀過而識悔神當欣兒女催人待粗了揮手一謝  
雲中君

題北海亭圖

北海亭在定興縣東南三十里西江村明鹿侍御久徵構以爲其孫忠節公伯

順讀書地也伯順事跡具理學宗傳明儒學案伯明史其父正字成宇海內稱鹿太公花陽三烈士之一亭當江村草堂之後知止居之東園茅塗聖攝插爲垣前一柳樹旁皆種蔬兩行灌木無欲齋詩所稱東園卽在是萬曆己未伯順以爭金花銀移疾歸里明年魏忠節公來訪之適孫徵君鍾元亦至同館亭中唱和歡極相與如容城拜楊忠愍祠賦詩而去天啟乙丑魏璫羅織魏忠節及左忠毅公坐熊烈懸賊下詔獄左之弟光明魏之子學世等潛行偵視莫敢舍者時伯順在榆關參孫文忠公軍事太公與孫徵君謀館諸子弟於亭遣徵君兄奇遇偕伯順門人張千度果中變姓名入京職值裏遣徵君弟奇彥與其孫石卿化麟馳書出關求文忠援而設匱置表於門招鄉人輸金應比太公日騎驢冒暑走釀數百里內助者響應而左魏已拷死明年周忠介公復以賊逮其友朱完天

祖文護行先馳至江村館於亭者三月時伯順辭  
武選方里居與徵君翰三百金四醪爲完贖計范  
文貞公時謝政令完天持書往文貞卽輪二百金  
齋至忠介亦樂杖孫文忠之解兵柄媚璫者借茅  
止生前元儀傾之矯旨削籍幾不免刀鋸止生客亭  
中前後三載以數年來此爲嵩融之崖天下皆仰  
北海風因顏曰北海亭且爲之記崇禎丙子伯順  
殉城石卿伏闕頌父忠不勝喪死徵君爲集石卿  
詩文於亭內遂名北海亭集同邑范一泉孫箕生  
土揖石卿子盡心妻父也故師友伯順順治戊戌  
屬天津戴司農道默明說爲圖謂當稱乾坤北海  
亭係七古一篇極悲壯司農孽稟分書五字於首  
圖橫紙卷全用米法中無一人向藏鹿氏後失去  
伯順七世孫丕宗復獲之容城孫家道光戊申守  
都勻余過其署出觀之以亭之掌故傳記  
錯見乃括爲序復志以詩六月廿七日

黃芝萎地茄花明十狗五彪恣縱橫地轟天鳴覆乾清北  
海亭子乃孤撐亭中老翁一諸生舉手欲障斗內星惜哉  
當日事不成正氣耿耿留元精吾觀史家已吞聲此圖復  
出二百載傾洞千秋思古情蟒山壓筵蒼鬱蔥展圖慘愴

來悲風江光黯黯雲冥濛若有人兮煙樹叢倏忽置身畫  
圖裏眼底盡是人中龍舉幡慷慨孫夏峯赤幘從之張果  
中策蹇掀髯去怱怱釀金無乃鹿太公團瓢探墨小鐙籠  
破柱複壁難爲容完天朱老俠膽雄吳橋歸卧胸隆隆祕  
獄此時走尸蟲傷心投匭仍未終後來者誰茅止翁此老  
十萬兵羅胸婆娑柳下杖癡紅戟指尙自談遼東太常堂  
堂儒者宗晚學農圃悲天夢矯首似望孫文忠厯厯斯人  
肝肺同一重一掩吾安從大叫乃止一畝宮吾知畫師非  
俗工直以浩氣還太空吁嗟陽球不作司隸死清流故讓  
此曹子朱家魯襄徒爲耳獨此炯炯差足恃長歎英賢皆  
已矣捲去斯亭擲杯起白虹正貫旁溝水

月下對菊示子何



天公愛菊同幽人夜遣明月來寫真秋魂盡入影中去  
瘡花枝空有痕半山亭子坐來久衣袂漸冷胸中溫花氣  
增濃月益白枝枝插在玻璃盆深露微光上蛛網暗蛩細  
響吟籬根涼風疏疏度不盡時見水面魚吹紋乾坤清氣  
益兩候不在深夜卽在晨昏昏世中聲色窟那得一刻能  
鮮新君思此時富貴兒多少羶葷聚飛蚊香衾醉眼待蘇  
醒已是白日堆紅塵百歲何由見此景老死不知清淨因  
我今無愁亦無樂默默飽受花月薰意愜不須爪爬背四  
山岑寂同忘言

攜兒游上下天門過生日地在桐梓郭東十五里山  
勢湊此峭迫上下距里許開爲兩門皆懸壁穹窿  
深十餘丈其寬倍之療溪東源所經未曠時人可

過兩門內有田有村游其中俯仰周覽皆崖石蒼  
白相閒而垠堦上又皆長蘿古松碧入雲表恍然  
已出塵世也

不知爲先有水後有山山來避水過其閒抑不知先有山  
後有水水來破山出其裏春風鏗杖游天門兩門中若桃  
花源小兒怪問山水意異境恍惚難爲言嘗疑混沌時必  
有物混成十二萬年中布置開天明繼又幾何年闢地令  
就千萬形然後下視厯厯者河嶽上視昭昭爲日星人目  
之所不及見知有幾許神妙何從名如此小山川其初骨  
脈殊不情爬高抉塞舉手事奇態詭狀因以呈今觀太華  
峯掌蹠遺巨靈尋當雷劈山瞬息已變更何況天地母可  
以智力思議求其能看山自有真心會不在遠強欲索根

原縱得亦已淺我觀我生猶未知且可山水相娛嬉何緣  
無事自取鬧笑看巖間紅杏枝

有感

一榻來青閣三霜古白田丹鉛銷削布文獻付山川服漸  
爲人指刀應善自全長懷豆盧杖搔首意茫然

豆盧威等志丹陽郡

事見大業拾遺

太祝曙無翳仲車聾有靈海澄何日見世議顰眉聽烽火  
通龍國樓船斷鮎亭黃頭方選壯雞肋媿劉伶

舟出合江

岸曉樹光浮晴江浩浩流掉頭迷鯢部彈指見巴州汗漫  
非前計蒼茫信壯游獨來蘇李後同路不同舟

送王香杜

金策歸諸城

仕路嶮巖莫復陳東齊歸客舊詞臣達官大要非奇士南  
國從來泣美人誓墓文章終憤俗藏鐙性癖頗愁親香社讀書  
達旦爲常白魚青筍平安到書疏無忘寄子真

曉登銅崖

一百八灘經過盡披衣曉起踏銅崖雙江一碧渺然去孤  
嶼中流無限佳水氣昏昏迷雉堞人煙穰穰閑魚鮓山川  
自古征蠻地博得登臨寫壯懷

山行

路出盤江所濫觴萬山無主夕陽荒肩輿冷瘦尋村遠石  
氣青紅過雨涼國陋翻宜叢檜大路難方覺苦荬香窮塗  
未倦平生意欲採閒花種夜郎

次韻春感

杜陵四十畝黃柑興到擲在灤西潭此老窮餘尙闊壯天  
公笑絕倒東南蟲魚爾雅嗟何用龍象空王不可參閒把  
春情愚玉女百花齊向樹頭簪

春物昌昌徧九州逍遙好共太虛游多情世到玉溪別說  
恨天教小杜優藥院晴絲空有影蓉城花霧竟無謀生憎  
鄰舍閒歌管未中思量儘不收

病起同山陰王介峯

介臣

上舍綏陽丁右衡

世選

孝

廉登城南文昌閣

崢嶸傑閣壓符關病骨凌虛膽尙矜漠漠雲開巴子國盤  
盤江繞沒丁山青天一握神難越白鳥雙飛意正閒頓作  
西來登覽興不因微挫露頽顏

貴陽寄內

六年不試北風寒又歷人閒行路難慰別漫云成仕宦出門止解望平安沈陰累日天如合積凍迷罔歲欲闌辛苦未旬吾已倦計程八十到春官

八月貴陽寄新化鄒叔績漢勳興義

似聞說友臨安志季緒年來肆乙塗誰遣不書驢市券故應難語馬坊奴秋風筆挾南盤壯落日心懸首望孤歲歲說歸歸未得黃金虛牝可長吁叔績纂貴陽志藁百餘卷刊板而去有嫌繁奧而刪裁者可惜也體例詳正考據精博未及

書樾峯詩藁後

乾坤清氣一枝筆不落人間得意場官退卻驚詩力進晚涼攜卷語山光

正月十四日作三絕句卽書子何所攜明周服卿梅

花卷後時子何將行矣

錄二

寒山香火已蕭蕭卿子芝槃亦寂寥  
醉撚疏枝成獨笑內人生日是今朝

疏影詞成去范村小紅低唱不堪聞  
明朝驛路相思處回首梅花是白雲

周玉瓚字熙廣號平園一號瑟庵晚號憩亭丹陽人道  
光丁酉舉人官涓川知縣有周憩亭集

鑑下讀許丁卯集

清宵未忍卧萬籟一時靜偶攜仲晦集據案意兼領送別  
多幽思弔古得真境自然風調佳豈必才力騁晚唐詩體  
弱落落殊可省樊川溫李外似此亦清警明珠十斛圓推  
服良自永吟哦更燒燭興寄眾慮屏掩卷月華高松窗澹

疏影

張葆謙字牧皋南皮人道光丁酉舉人官武陟知縣有  
墨花軒詩刪存

落葉

昨夜窗前葉有聲飄來颯颯響柴荆涼隨煙墮螢兼度遲  
共雲飛鳥不驚落日樵蹤迷古徑半天鴉點散荒城洞庭  
遙憶波痕動瘦到君山景倍清

陳良玉字朗山漢軍旗人廣州駐防道光丁酉舉人官  
廣西知縣有梅窩詩鈔

詩話粵東駐防多雋才朗山及徐鐵孫並以詩名久  
爲學海堂學長晚得一官以足疾歸不出居近越在  
山麓闢地種梅名其齋曰梅窩論詩服  
膺竹垞所作體格相近詞亦辨香朱厲

宿白雲倚山樓



露下森然萬木稠掩關人靜意幽幽泉將鳥夢分中夜風  
約松濤共一樓暗壑有光看誤月空山無寐坐驚秋村雞  
未唱晨鐘動十五年前憶舊游

三水道中和施星江明經韻

沿江短艇認魚家開徧桃花處處霞三水共趨江口合一  
峯低讓樹頭遮重憑野檻思吟侶甫試征衫惜歲華誰信  
黃塘今夜宿鵲聲十倍客愁加

胥江司

胥江潮水歇一碧唾江清入饌銀魚短沿流木筏橫鹽愁  
關吏詰衙共野猿爭太息豺狼窟前年此設兵

滇陽峽

朝嵐盪初旭絢爛空翠明羣峯洗寒碧朵朵芙蓉生今朝

滇峽口喜見天宇晴雲日共朗媚山水復深清一峯高插  
天巉峭疑削成飛鳥怯不上如綫樵路爭江屈羊腸繞山  
迴猿臂撐中流出漁舸忽送欵乃聲垂釣者誰子石室遺  
姓名感茲隱淪蹟愧我游子情

觀音巖

巖勢束奔江破空一千尺南來非太華何有巨靈擘頗聞  
石室內鍊顏富瓊液千春羽客蛻一旦金仙宅慈雲凍不  
飛凝作蒼玉壩時看馴鴿舞遠若江鷗白洞口題名多古  
人皆陳迹卽事聊成詠微名何足刻

高安萬世瓦歌

董賢封  
高安侯

漢家佞倖古莫比弱冠三公左貂珥宮中斷袖起晝眠何  
至曹騰禪天子朝廷碌碌孰等肩笑君奚似孔光賢東園

祕器預輸送深恩直欲周三泉一聲霜裂鴛鴦瓦巨君螾  
鷲脣先哆破棺丁傳慘焚如免冠徒跣何爲者長樂無極  
延萬世此瓦當時亦其類高安侯印竟墮地連雲甲第恨  
誰賜君不見漸臺弩射逃黃皇團團威斗藏中央千年武  
庫莽頭禿瓦乎瓦乎同可傷

于晦若上舍

式枚

招飲寓園

懊惱林鳩故故嘯小園春盡得招攜平池驟漲漂花雨幽  
屐新黏迸筍泥野水鷺鷥芳墅外夕陽樓閣斷虹西一樽  
懷抱聊傾倒扶杖歸來徑欲迷

高錫蕃字伯驥號已生烏程人道光丁酉舉人官嚴州  
教授有朱藤老屋詩鈔

出都宿長興店作

燕山憑眺幾登樓跌宕名場可自由千里津梁疲遠道殘  
年風雪逼征裘升沈人海誰能悟寂寞鄉關我欲愁數到  
下弦弓挂月不須惆悵大刀頭

麻葛達刺佛像歌

蝙蝠掠殿松撐門忉利天中容彼髡美人占易寇非婚狒  
狒來食狼則吞具此觀河顰面痕空花直斬優曇根我來  
訪古悲至元西僧蠱惡方策存演揲兒法旋乾坤興於其  
祖亡其孫有尸猶當磔之槁蓮幢膜拜誰爲恩飛來峯巔  
佛像蹲楊連罪亦難具論可憐六陵風雨昏明月不照珠  
襦魂

戴福謙初名芳字貽仲號琴莊德清人道光丁酉舉人  
有戴氏三俊集

詩話貽仲與兄駿伯弟羹叔皆能詩汪謝城爲合刻  
三俊集貽仲有子曰望治經以公羊學注論語又深  
研習齋遺說作顏氏學記多所發明

舟中作

一路看山色晚山青更青孤篷挂明月雙槳蕩疏星浪靜  
船初定身搖夢易醒故鄉難與別離笛不堪聽

汪元慎字少逸南昌人道光丁酉舉人有集唐詠史詩

詩話少逸熟於史事究心輿地之學從事曾文正軍  
營中道而殂著歷代地理今釋未及鏝板自謂平居  
讀史於河渠利弊略窺蹊徑惜不能屏跡河干與老  
兵爲伍共相陳說以考鏡前人得失嘗仿唐堂集唐  
作詠史詩自唐虞以迄南宋都七百餘首屬辭比事  
視唐堂之緣情綺靡專事脂澤爲尤難擇錄數章以  
存一格

老子

五氣雲龍下泰清杜光庭可能朝市污高情韓偓青牛漫說函

關去無名氏白髮從他繞鬢生李嘉祐莊叟著書真達者趙敞韓

非入傳濫齊名李益五千言裏教知足白居易此世榮枯豈足

驚劉得仁

宋玉

孤客逢秋感此身崔峒一篇佳句占陽春段成式還同逐客紉

蘭佩鍾謨自有招魂拭淚巾李德裕萬古祗應留舊宅雍陶此生

無路訪東鄰閻選蕭蕭暮雨荆王夢張祐十二山高不見人

許渾

李陵

受降城外月如霜李益往事何時不繫腸吳融一夜羽書催轉

戰翁綬五千兵敗滯窮荒胡曾丹誠豈分埋幽壤李白首翻令

憶建章盧綸可惜報恩無處所雍陶詩成吟詠轉淒涼杜甫

郭泰

共疑巢許是前身

白居易

虛度膺門二十春

趙嘏

豈意遺賢在

林藪

錢起

惜無知己脫風塵

李咸用

撰碑縱託登龍伴

從他折角巾

張翥

最笑近來黃叔度

元稹

藏頭不復見時人

韓翃

熊紹庚字秋白華容人道光丁酉拔貢官戶部主事有

安楚堂詩集

泊磊石

朔風吹五兩明月弄波心忽聽清砧起始嗟秋氣深胡笳  
空塞北客夢落湘陰一夜西崖水茫茫感不禁

葉坤厚原名法字湘筠懷甯人道光丁酉拔貢厯官河

南南汝光道有江上小蓬萊吟舫詩存

秋館

蟋蟀吟秋館空庭欲二更茶煙風乍靜竹露月初明一榻  
坐花影亂山圍水聲夜涼人不寐孤鶴伴淒清

題黃左田先生別圖

忘憂早樹北堂萱比似溫公獨樂園恐踏落花常避路愛  
栽修竹恰當軒門前山色經春染石上泉聲帶雨喧一種  
幽情閒領受不知塵世有籬樊

哭江忠烈

旌旄朝至未安營夕見妖氛蟻附城自擊鼓鼙親率戰能  
教婦孺盡持兵揮戈共効田橫死結草難回魏顆生南八  
乞師終不應睢陽千古恨難平

讀胡文忠遺集感賦

事繁食少益堅貞旋轉乾坤志竟成定策直追羊太傅論



功遠邁李西平兩閒彌滿皆真氣一片淋漓是血誠今日  
河山仍鞏固起公無路涕縱橫

張經贊字南皆武岡人道光丁酉拔貢廣東候補同知  
有燹餘吟草

曲江雜詩

風度人何在登樓意獨違前型垂後遠古道至今微相業  
千秋著詩名百代稀書堂訪遺跡巖下草成圍  
萬古清秋月誰憐此夕光片雲歸遠渚寒露入深堂蟋蟀  
微吟壁流螢暗度牆倚樓人不見玉笛一聲長

陳勸字子相鄞縣人道光丁酉拔貢官廣西知縣有運  
璧齋詩彙

讀王荊公鄞縣經游記有感

荆公宰吾鄞學校振士風石臺足師表樓王皆儒宗留心  
及水利經游詳記中旱澇切民瘼往返勞行蹤當時青苗  
法實惠徧村農一旦秉鈞軸方期恢前功任使非其人海  
內滋怨恫近世行社倉藉口師徽公良法鮮美意流弊又  
安窮社倉與青苗得失將毋同

天童寺古柏

太白名山古鄮東結茅自晉永康中育玉晉松化龍去天  
童古柏猶青蔥此柏未知何代植大都伯仲之間肩隨從  
昔聞天童山下路二十里外皆青松載披圖志稽古蹟詩  
句曾記王荆公今亦凋枯殆將盡縱有新栽不敵老幹常  
蒙茸幸哉此柏尙蒼古至今兀立山之中無異孔明廟前  
樹根如鐵石柯青銅我來偶然憩林下兩耳謾謾聞清風

問爾何由得年壽雨露豈獨私化工若非山靈暗呵護得  
毋佛力廣大多神通

四明山心隸字石刻

昔誦皮陸唱和詩惜未親探四明巖壑奇又聞支山杖錫  
亦斲絕山前石壁峭若屏風列上題四明山心四隸字大  
書深刻傳是漢人筆生長是邦數十年名山欲訪心惘然  
我友裹糧攜酒榼舍舟登陸直窮山之巔忽覩巨石高十  
丈似從太華擘仙掌聳身特立傍懸崖瞻之在前非恂恍  
漢人隸法稱奇古碑版照耀徧寰宇字形不過一二寸摩  
崖大書人罕覩昔年嘉定錢宮詹來脩縣志誇博淹廣搜  
唐宋金石刻錄近棄遠一任遺珠滄海潛我友嗜古真成  
癖濟勝更饒腰腳力歸貽搨本紙墨新惠我奚啻百朋錫

吁嗟乎開闢以來有此山此書厯劫未蝕苔蘚斑得毋山  
靈默呵護特使千古奇蹟長留天地間

陳長孺字保障號秋穀歸安人道光丁酉拔貢殉難有  
偕隱草堂詩集

重九後一日湯海秋郎中招讌集萬柳堂未赴賦酬  
未免肝腸苦莊騷一種才碧蘿山鬼語黃葉酒人來老屋  
疏於畫斜陽冷到苔鷗蹤飛不去惆悵復徘徊

晚步偕萊仙作

將花未花早稻秀欲雨不雨秋雲涼老夫心事復誰識要  
替亂山留夕陽

偕吳秋伊山人詠之登嶽臺作

萬綠渺無際村邊與郭邊山如名士畫秋是酒人天野徑

都環葦斜陽尙咽蟬登臨觸鄉思一步一纏綿

餘芳園坐吟香榭作

亭沼迴環綠樹遮吟襟疏散契煙霞敗荷經雨瘦於葉荒  
葦搖風涼欲花落落吾生傷逆旅茫茫塵事感天涯幽棲  
依約清茗好一桁峯鬢最憶家

歲暮書懷

疏鐙如菽夜修修未免羈孤憶舊游千里斷鴻天外樹五  
湖涼邃夢中舟看山處處逢青眼對鏡年年負黑頭西北  
關千心咫尺關河迢遞隔高樓

晚晴簃詩匯卷一百三十九終